

**ხელშეკრულება სახელმწიფო შესყიდვის შესახებ - SQ-09**

ქ. თბილისი

„24“ „აპრილი“ 2019 წ.

ერთის მხრივ, შპს „საქართველოს ფოსტა“ (შემდგომში - „შემსყიდველი“), წარმოდგენილი მისი გენერალური დირექტორის ლევან ჩიკვაიძის სახით და მეორეს მხრივ, შპს „ავტო-ბანი 2000“ (შემდგომში - „მიმწოდებელი“), წარმოდგენილი მისი გენერალური დირექტორის დავით თევდორაძის სახით, გამარტივებული შესყიდვის საშუალებით, სახელმწიფო შესყიდვების სააგენტოს თავჯდომარის 2015 წლის 17 აგვისტოს #13 ბრძანების მე-2 მუხლის „ა“ ქვეპუნქტის საფუძველზე დებენ წინამდებარე ხელშეკრულებას შემდეგზე:

**მუხლი 1. შესყიდვის ობიექტი**

1.1. შესყიდვის ობიექტს წარმოადგენს: რეზინის პროდუქციის (CPV19510000) შესყიდვა.

№	საქონლის დასახელება და კოდი	საქონლის რაოდენობა	საქონლის ერთეულის ფასი	საქონლის ჯამური ღირებულება
1	სალონში ჩასაფენი რეზინის საფენები (A9102B proteqt-1)	50	55.00 ლარი	2750.00 ლარი

**მუხლი 2. ხელშეკრულების ღირებულება**

- 2.1. ხელშეკრულების ჯამური ღირებულება შეადგენს 2750.00 (ორი ათას შვიდას ორმოცდაათი) ლარს.
- 2.2. ხელშეკრულების ღირებულება მოიცავს კანონმდებლობით გათვალისწინებულ ყველა გადასახადს.

**მუხლი 3. მხარეთა უფლება-მოვალეობები**

- 3.1. **შემსყიდველის უფლება აქვს:**
  - 3.1.1. შეამოწმოს შესყიდვის მახასიათებლების შესაბამისობა ხელშეკრულებით გათვალისწინებულ პირობებთან;
  - 3.1.2. რაიმე ნაკლის აღმოჩენის შემთხვევაში, აცნობოს და მოსთხოვოს მიმწოდებელს ნაკლის დაუყოვნებლივ გამოსწორება.
  - 3.1.3. მოითხოვოს მიმწოდებლისგან ხელშეკრულების ჯეროვანი, დროული და კეთილსინდისური შესრულება.
- 3.2. **შემსყიდველი ვალდებულია:**
  - 3.2.1. უზრუნველყოს მიმწოდებელთან ანგარიშსწორება ხელშეკრულებით გათვალისწინებული პირობების შესაბამისად.
  - 3.2.2. დაიცვას ხელშეკრულებით გათვალისწინებული პირობები.
- 3.3. **მიმწოდებელს უფლება აქვს:**
  - 3.3.1. მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.
- 3.4. **მიმწოდებელი ვალდებულია:**
  - 3.4.1. უზრუნველყოს ხელშეკრულების პირობების შესრულება.
  - 3.4.2. შემსყიდველს მიაწოდოს ხარისხიანი შესყიდვის ობიექტი, რომელიც არ გამოავლენს დეფექტებს.
  - 3.4.3. შესყიდვის ობიექტის მიწოდებისას რაიმე ნაკლის აღმოჩენის შემთხვევაში უზრუნველყოს მისი გამოსწორება (გაწიოს საჭირო მომსახურება და/ან ახალი შესყიდვის ობიექტის მიწოდება) არაუგვიანეს 3 (სამი) სამუშაო დღის ვადაში.
  - 3.4.4. მიმწოდებელი ვალდებულია შესყიდვის ობიექტზე (ხელშეკრულებით გათვალისწინებულ საქონელზე) გაავრცელოს გარანტია სასაქონლო ზედნადების ხელმოწერიდან არანაკლებ 1 (ერთი) წლის განმავლობაში. საგარანტიო ვადაში შესყიდვის ობიექტის რაიმე ნაკლის გამოვლენის შემთხვევაში მიმწოდებელი ვალდებულია უზრუნველყოს მისი გამოსწორება 5 (ხუთი) სამუშაო დღის ვადაში, შემსყიდველის მხრიდან რაიმე დამატებითი ხარჯების გარეშე.

#### **მუხლი 4. საქონლის მიწოდების ადგილი და ვადა**

- 4.1. ხელშეკრულებით გათვალისწინებული შესყიდვის ობიექტის მიწოდების ადგილია: ქ. თბილისი, ბერი გაბრიელ სალოსი ქ #7 შპს „საქართველოს ფოსტა“-ს ავტოვარები.
- 4.2. ხელშეკრულებით გათვალისწინებული შესყიდვის ობიექტის მიწოდების ვადა განხორციელდება არაუგვიანეს 2019 წლის 30 აპრილის ჩათვლით.

#### **მუხლი 5. შესყიდვის ობიექტის მიღება-ჩაბარების წესი**

- 5.1. საქონელი მიწოდებულად ჩათვლება მხოლოდ კანონმდებლობით სასაქონლო ზედნადების გაფორმების შემდეგ, რომელიც დასტურდება მხარეების ან მათი წარმომადგენლების (უფლებამოსილი პირების) ხელმოწერით.
- 5.2. შემსყიდველის მხრიდან სასაქონლო ზედნადებზე ხელმოწერა უფლებამოსილ პირს წარმოადგენს შპს „საქართველოს ფოსტა“-ს ტრანსპორტის სამსახურის უფროსი ირაკლი მენთეშაშვილი.

#### **მუხლი 6. ანგარიშსწორება**

- 6.1. ანგარიშსწორება განხორციელდება უნადდო ანგარიშსწორებით ეროვნულ ვალუტაში.
- 6.2. ანგარიშსწორების საფუძველია მხარეების უფლებამოსილი პირების მიერ გაფორმებული სასაქონლო ზედნადები.
- 6.3. მიმწოდებელთან ანგარიშსწორება განხორციელდება, სასაქონლო ზედნადების გაფორმებიდან 10 (ათი) კალენდარული დღის ვადაში.

#### **მუხლი 7. ხელშეკრულებაში ცვლილებების შეტანა და შეწყვეტა**

- 7.1. ხელშეკრულებაში ნებისმიერი ცვლილების ან დამატების შეტანა შესაძლებელია მხარეთა შეთანხმების საფუძველზე, ორივე მხარის მიერ ხელმოწერილი წერილობითი ფორმით.
- 7.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 7.3. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 7.4. საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 7.5. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 7.6. მხარე ვალდებულია 7.4. პუნქტით გათვალისწინებული გადაწყვეტილების მიღების განზრახვის შესახებ არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 7.7. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

#### **მუხლი 8. მხარეთა პასუხისმგებლობა**

- 8.1. მხარეები კისრულობენ ვალდებულებას აუნაზღაურონ მეორე მხარეს მათ მიერ წინამდებარე ხელშეკრულების პირობების შეუსრულებლობისათვის ან არასრულად შესრულების შედეგად მიყენებული ზიანი, მოქმედი კანონმდებლობით განსაზღვრული წესით.
- 8.2. ერთი მხარის მიერ ხელშეკრულების პირობების შეუსრულებლობის ან არაჯეროვანი შესრულების შემთხვევაში მეორე მხარე უფლებამოსილია მოითხოვოს პირგასამტეხლო ხელშეკრულების ღირებულების 0.02 %-ის ოდენობით ყოველ ვადაგადაცილებულ დღეზე.
- 8.3. იმ შემთხვევაში, თუ დაკისრებული პირგასამტეხლოს ჯამური თანხა გადაჭარბებს ხელშეკრულების ჯამური ღირებულების 1 (ერთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.
- 8.4. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

#### **მუხლი 9. ხელშეკრულების შესრულების შეფერხება**

- 9.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის

გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

**მუხლი 10. დაუძლეველი ძალა**

10.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია აუცდენელი დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ. წინააღმდეგ შემთხვევაში, შესაბამისი მხარე არ თავისუფლდება ნაკისრი ვალდებულებების შესრულებისაგან.

10.2. მხარეთა პასუხისმგებლობა და ვალდებულებები განახლდება ფორს-მაჟორული გარემოებების დასრულებისთანავე.

**მუხლი 11. სადავო საკითხების გადაწყვეტა**

11.1. ხელშეკრულების შესრულებისას მხარეთა შორის წამოჭრილი დავები შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

11.2. თუ მხარეები მოლაპარაკების დაწყებიდან 10 (ათი) კალენდარული დღის განმავლობაში ვერ მიაღწევენ შეთანხმებას, მხარეებს უფლება აქვთ მიმართონ სასამართლოს საქართველოში მოქმედი კანონმდებლობის შესაბამისად.

**მუხლი 12. ხელშეკრულების მოქმედების ვადა**

12.1. წინამდებარე ხელშეკრულება ძალაში შედის მხარეთა მიერ მათი ხელმოწერის დღიდან და მოქმედებს 2019 წლის 31 მაისის ჩათვლით, ხოლო საგარანტიო მომსახურების ნაწილში მე-3 მუხლის 3.4.4. პუნქტის შესაბამისად.

მხარეთა რეკვიზიტები და ხელმოწერები:

**„შემსყიდველი“**

შპს „საქართველოს ფოსტა“  
ს/კ: 203 836 233  
მის: ქ. თბილისი, ვაგზლის მოედანი #2  
ტელ: (032) 234 59 76  
ს.ს. „საქართველოს ბანკი“  
ბანკის კოდი: BAGAGE22  
ა/ნ # GE13BG000000123286800GEL

ლევან ჩიკვაძე  
გენერალური დირექტორი



**„მიმწოდებელი“**

შპს „ავტო-ბანი 2000“  
მის: შარტავას ქ # 6  
ს.ს. „თიბისი ბანკი“  
ბანკის კოდი: TBCBGE22  
ა/ნ # GE95TB3746636020100005  
ს/კ: 205211091

დავით თევდორაძე  
დირექტორი